



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **10-481-12/18**

Sarajevo, 13.6.2018. godine

Int. br. nabavke: **10-151-28/18**

Na osnovu člana 69. stav (2), tačka d) i člana 70. stavovi (1),(4) i (6) Zakona o javnim nabavkama BiH (Službeni glasnik BiH, broj: 39/14), i člana 47. Statuta Agencije za vodno područje rijeke Save, Sarajevo, donosim

ODLUKU

**o poništenju postupka javne nabavke usluga: "Izrada studije dugoročnog snabdijevanja vodom stanovništva, privrede i industrije na vodnom području rijeke Save u FBiH",
Otvoreni postupak
Obavještenje o nabavci br. : 1132-1-2-63-3-50/18**

Član 1.

Poništava se postupak javne nabavke usluga: **"Izrada studije dugoročnog snabdijevanja vodom stanovništva, privrede i industrije na vodnom području rijeke Save u FBiH"**, zbog toga što nijedna od primljenih ponuda nije prihvatljiva.

Član 2.

Za izvršenje ove odluke zadužuje se **Sektor za upravljanje vodama** Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 10-481-2/18 od 18.04.2018. godine. Javna nabavka je provedena putem otvorenog postupka. Procijenjena vrijednost nabavke bez PDV-a je 76.000,00 KM. Obavještenje o nabavci broj: 1132-1-2-63-3-50/18 je poslato na objavu i objavljeno na portalu javnih nabavki dana 10.05.2018. godine.

Sa portala e-Nabavke Tendersku dokumentaciju su preuzeli sljedeći ponuđači:

1. Ekapija d.o.o.
2. BBS Europe d.o.o.
3. Zavod za vodoprivredu d.d.
4. INK Constructor d.o.o.
5. Druna d.o.o.
6. Conus Inženjering d.o.o.
7. Foresta projekt d.o.o.
8. Water Loss d.o.o.
9. Zagreb inspekt d.o.o.
10. IG d.o.o.
11. Institut za hidrotehniku d.d.
12. IPSA Institut d.o.o.
13. TQM d.o.o.
14. Sendo d.o.o.
15. Inpros d.o.o.
16. Rudarski Institut d.d.
17. Urbis Centar d.o.o.
18. Enova d.o.o.
19. Saraj Inženjering d.o.o.

Komisija za nabavku imenovana je Rješenjem broj: 10-481-4/18 od 10.05.2018. godine. Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila Zapisnik o otvaranju ponuda i Zapisnik o pregledu i ocjeni ponuda, u kojima je utvrđeno sljedeće:

- Da je ukupan broj preuzimanja tenderske dokumentacije 19 (devetnaest).
- Da je ukupan broj pristiglih ponuda 5 (pet).
- Da je blagovremeno zaprimljeno 5 (pet) ponuda.
- Da nema neblagovremeno zaprimljenih ponuda.
- Da su ponude 5 (pet) ponuđača ocijenjene kao neprihvatljive.
- Da nijedna ponuda nije ocijenjena kao prihvatljiva.

Odbijaju se ponude ponuđača Institut za hidrotehniku d.d. Sarajevo, Zavod za vodoprivredu d.d. Sarajevo, IPSA Institut d.o.o. Sarajevo, Institut za građevinarstvo „IG“ d.o.o. Banja Luka i Konzorcija: ENOVA d.o.o. Sarajevo, Waterloss d.o.o. Sarajevo i Sarajinženjering d.o.o. Sarajevo jer nisu u potpunosti u skladu sa zahtjevima iz predmetne tenderske dokumentacije kako slijedi:

Ponuda ponuđača Institut za hidrotehniku d.d. Sarajevo ne sadrži metodologiju rada i dinamički plan, kako je traženo u Projektnom zadatku.

Ponuđač Zavod za vodoprivredu d.d. Sarajevo je dostavio ponudu u kojoj su dostavljeni CV-jevi

sa referencama starijim od 5 godina. Također, u ponudi navedenog ponuđača ključni ekspert iz oblasti komunalne hidrotehnike Alma Džubur nema niti jedne tražene reference, dok ključni ekspert Alma Bibović ima jednu referencu iz oblasti za koju je kandidovana. Ponuđač IPSA Institut d.o.o. Sarajevo je dostavio ponudu u kojoj ključni eksperti Amir Sinanović i Adnan Habibović imaju po jednu referencu od potrebnih dvije koliko je traženo tenderskom dokumentacijom, dok ključni ekspert Avdurahman Muminović nema potrebnih referenci.

Dostavljena ponuda ponuđača Institut za građevinarstvo „IG“ d.o.o. Banja Luka ne sadrži metodologiju rada i dinamički plan, kako je to traženo u Projektnom zadatku.

Konzorcij: ENOVA d.o.o. Sarajevo, Waterloss d.o.o. Sarajevo i Sarajinženjering d.o.o. Sarajevo je dostavio ponudu u kojoj dvije ključne reference firme ENOVA d.o.o. Sarajevo nisu ovjerene od strane Naručioca tog projekta. Nadalje, reference ključnog eksperta iz oblasti komunalne hidrotehnike Dragane Vasić su nejasno navedene tako da se ne može procijeniti da li iste odgovaraju traženim referencama iz Tendara, dok ključni ekspert iz oblasti geologije nema potrebne reference tražene tenderskom dokumentacijom.

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

Ocijenjeno je da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. U postupku predmetne nabavke utvrđeno je da nijedna od primljenih ponuda nije prihvatljiva.

Na osnovu navedenog, a zbog toga što nijedna od primljenih ponuda nije prihvatljiva, odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 800,00 KM (član 108. stav (1) tačka b) Zakona o javnim nabavkama BiH).

Dostaviti:

- Ponuđačima
- Sektor za ekonomske, pravne i opšte poslove
- Sektor za upravljanje vodama
- a/a



DIREKTOR

Sejad Delić, dipl.inž.